



HVldricus patre Huldrico Zasio seniore Iureconsulto doctissimo Friburgi Brisgauriæ natus fuit anno circiter 1518. Is cū felici ingenio esset præditus, animū ad literarū studia adiecit, & in ijs plurimū profecit. Postea quoque Iura coniunxit, & sua diligentia effecit, ut Legum Doctor crearetur. Is deinde Basileam peruenit, & in ea Academia professor constitutus fuit. Cum autem eius animus altiora respiceret, Theorica relicta animum ad Praxim exercendam adiecit. Erat enim magna prudentia & singulari facundia conspicuus. Itaque ad Cæsaris curiam peruenit, & tandem Ferdinando Imperatori gratissimus in

eius consilium adoptatus fuit. Huic Imperator res magnas Imperij hinc inde administrandas commisit. quas quidem ille tanta animi moderatione expediuit, ut passim in omnium ore uersaretur. Is etiamnum apud Maximilianum Cæsarem Vriennæ superest, atque suis consilij res alioqui intricatas optimè componere assolet. A-
nonym.